

page :

N036

條目：

集 8〈虛空藏品〉[之三]

內容：

- 1、二譯次第與廣略，略有出入。 十二部經，順四分律，勘(一六・109 下)
- 2、一乘淨土純大乘。(一四・一)(一六・108 中)(一六・111 中) 兼益聲聞(一八・127 下)
- 3、念佛——色身、功德、勝業、法身 (一五・100 下—101 上) 念戒——別解脫戒(唐缺)(一五・101 下) 念天——但念忉利天，願生。念淨居天，不生。(一五・101 下—102 上)
- 4、陰、界、入、諦、緣起——五善巧。(一五・100 中)(一七・115 中) 十地與檀尸有關(一六・112 中)
- 5、「如百年垢膩，可於一日浣令鮮淨，如是於百千劫中所集諸不善業，以佛法力故，善順思惟，於一日一時盡能消滅。」(一八・123 下)
- 6、虛空藏「入我藏中。」(一七・118 下) 「入於我虛空庫藏」唐(六・637 下)

出處：

1、二譯次第與廣略，略有出入。 十二部經，順四分律，勘(一六・109 下)

2、一乘淨土純大乘。(一四・一)(一六・108 中)(一六・111 中)

※參見《大方等大集經》卷 16 (CBETA, T13, no. 397, p. 108, b11-p. 109, a11)：

「爾時，於三千大千世界處中有一四天下，名曰日明，如來於中成阿耨多羅三藐三菩提，於三千大千世界而作佛事。彼日明四天下中有轉輪聖王，名功德莊嚴，於四天下而得自在，七寶成就，是大聖王。於四天下中起七寶臺，東西八由旬南北四由旬，周匝有五百園觀。是功德莊嚴聖王，有三十三萬六千宮人嫖女，端正殊妙如天玉女，有四萬童子端正勇健，各與半那羅延力等。

「爾時，功德莊嚴王與童子嫖女及諸眷屬俱，出詣大樂莊嚴園遊觀，作樂歌舞以自娛樂。爾時，眾中有二大夫人：一名、德威；二名、德光。離本坐處詣一樹下，思惟諸行無常。當作是思惟時，各有一子化生抱上，端正殊妙成就第一微妙之色，相好嚴身觀者無厭，身放大光普照園觀。於上空中諸天唱言：『此二童子：一名、師子；二名、師子進。』從是以來常名師子、師子進。

「爾時，二子適生不久說諸妙偈，讚功德莊嚴王言：

「『昔造善惡不敗忘， 供養諸佛亦不失，  
純至不捨菩提心， 堅持所聞不忘智。

……

皆言我已發道心， 誓度一切諸眾生，  
我等涉行為眾生， 成正覺已度脫之。」

### 兼益聲聞(一八・127 下)

※參見《大方等大集經》卷 18 (CBETA, T13, no. 397, p. 127, c19-p. 128, a1)：

「爾時，世尊為囑累此經法故，放大光明，普照十方無量阿僧祇諸佛世界。彼諸如來，亦為囑累此經法故，皆放眉間白毫相光，普照十方一切世界，無不周遍。說此經已，如來以大神力放光明。時無量阿僧祇諸佛世界，六變振動，有無量阿僧祇眾生發無上道心，無量阿僧祇菩薩得無生法忍。復有無量阿僧祇菩薩，得一生補處善根；又復過是無量阿僧祇眾生，**得聲聞乘住學無學地。**

佛說經已。虛空藏菩薩、大德阿難、諸菩薩大眾，**及諸聲聞**、諸天世人，聞佛所說皆大歡喜。」

### 3、念佛——色身、功德、勝業、法身 (一五・100 下—101 上)

※參見《大方等大集經》卷 15 (CBETA, T13, no. 397, p. 100, c17-p. 101, b4)：

「善男子！云何菩薩成就不離如如來所許**念佛**者？菩薩若在阿練若處，或在樹下，或在曠野，或在露處，以得定力故能攝心不著諸緣，以不散亂心善攝所念，以行相觀如來成就，三十二相八十隨形好莊嚴其身，取一一相貌，為成就己身故，心向一切智地，於如來身憶念放鬘網光明。菩薩以得解悵望觀如來身，滿一由旬二由旬，三四五十由旬，乃至百由旬。若過百由旬，以得解悵望，觀坐道場，或見轉法輪，或見現種種威儀說法調伏眾生，或見於一佛世界施作佛事，或五佛世界，或十、二十、三十、四十、五十，或百佛世界施作佛事，乃至百千無量世界施作佛事，得解悵望觀。自見隨意，若聽法、若供養給侍諸佛世尊，於餘威儀隨意自在，菩薩如是**觀如來色身已憶念佛功德**。或觀戒，或觀定，或觀慧，或觀解脫，或觀解脫知見，或觀力無所畏，或觀佛不共法，或觀菩薩本行，或觀成就佛地，普**憶念如來成就功德**已，憶念如來業，何等相貌？云何造業？身造耶？口造耶？意造耶？威儀造耶？可見耶？不可見耶？可說耶？不可說耶？何國造耶？幾種身造耶？如是**種種憶念勝業**，成就不可思議諸善根已。

「觀如來法，諸佛世尊**以法身故名為如來，不以色身**。彼菩薩不見色是如來，不見相是如來，不見種性是如來，不見陰界諸入是如來，不見威儀是如來，不見過去未來現在世是如來，不見因是如來，不見緣是如來，不見所以是如來，不見和合是如來，不見有是如來，不見無是如來，不見成就是如來，不見敗壞是如來，不見彼有如來，不見此有如來，不見如來在何所，不見如來，不恃如來，不分別如來，不得如來。喻如虛空無有陰界入名，非不利益眾生，諸佛世尊無有陰界入名，亦非不利益眾生。

「善男子！是為菩薩不離如如來所許念佛。

「善男子！云何菩薩不離如如來所許念法者？若菩薩念法，所謂四念處、四正勤、四如意足、五根、五力、七覺分、八聖道分、三脫門、四聖諦、甚深十二因緣、六波羅蜜。菩薩所應學藏，不退轉輪淨三境，是為菩薩所應念法。

「云何應念？念捨、念欲離、念滅、念無來無去、念無穢窟、念無自性、念出世間、念解達、念盡、念無生、念無取、念無漏、念無為、念涅槃無自性。作如是念，於諸法中猶有法想。所以者何？以有想故則有動念，有動念故則住顛倒，住顛倒者無有念法。」

念戒——別解脫戒 (唐缺) (一五・101 下)

※參見《大方等大集經》卷 15 (CBETA, T13, no. 397, p. 101, c4-15)：

「善男子！云何菩薩不離如如來所許念戒者？若菩薩持戒至解脫處威儀行成就，乃至微戒畏如金剛，恆修淨命善護持戒。菩薩自念戒攝身口，是無作相而謹慎奉行，修勝正命於薩婆若心終不廢捨，純至不動亦終不捨大慈大悲，攝取教誨破戒眾生，寧捨身命不求餘乘，是名為戒。菩薩念勝戒，不瑕缺戒，不荒穢戒，不求戒，不染戒，無濁戒，智者所歎戒，菩薩念如是等戒。不恃持戒、不毀破戒，不稱己德、不譏彼過，終不捨戒亦不依戒亦不住戒。雖捨一切諸所恃著而行色行，是為菩薩不離如如來所許念戒。」

念天——但念忉利天，願生。念淨居天，不生。(一五・101 下—102 上)

※參見《大方等大集經》卷 15 (CBETA, T13, no. 397, p. 101, c16-p. 102, a12)：

「善男子！云何菩薩不離如如來所許**念天**者？若菩薩念天，所謂念欲界天，或色界，或無色界天。念欲界天持戒果報故，受適意色聲香味觸，以天五欲遊戲娛樂，天衣飲食自恣滿足，一向受愛喜適意樂。菩薩作是念：『此一切興盛皆當衰滅，是諸天等亦當無常變異。由放逸故不造善根，先有善業今悉當盡。此諸天等雖生天上，猶未脫地獄畜生餓鬼之分。』菩薩作是念已，不悌望生欲界天處，**唯除兜率天宮。兜率宮中有一生補處菩薩，於一切菩薩行以到彼岸，一切諸地，一切神通，一切諸定，一切陀羅尼，一切辯才，一切菩薩事，於一切方便等以度彼岸。但憶念如是功德，於此天中心生欣仰，若欲生天者當願生如是天中。**

「菩薩發心言：『我何時當得如是天身？』菩薩復念：『色界諸天，此諸天等，由諸禪、四無量心果報故生彼天處，已過欲界欲患，一心處定以喜為食，一向知受第一樂報。』菩薩作如是念：『彼色界諸天，受少味故用為歡喜，無常有常想，苦有樂想，無我有我想，無涅槃有涅槃想。此色界諸天，亦有無常變異，未脫地獄、餓鬼、畜生之分。』是菩薩不願生色界諸天處，**唯除淨居天，即彼入涅槃不還此間者。菩薩作是念：『此是清淨諸天，已脫五道流轉生死。』**是菩薩以如是故，生敬重之心，亦不願樂求生彼處」

4、陰、界、入、諦、緣起——五善巧。(一五・100 中)(一七・115 中)

※參見《大方等大集經》卷 15 (CBETA, T13, no. 397, p. 100, b24-c16)：

「善男子！云何菩薩行智與虛空等者？若菩薩從善知識得聞法已，善順思惟所作諸行終不放逸，修少境界想已受無量想，受無量想已得如是智明，得是智明已得陰方便智、得界方便智、得入方便智、得諦方便智、得十二因緣方便智。知眾生垢亦知垢性，知眾生淨亦知淨性，所謂眾生有染心，如實知有染心；無染心，如實知無染心；有恚心，如實知有恚心；無恚心，如實知無恚心；有癡心，如實知有癡心；無癡心，如實知無癡心；有諸煩惱心，如實知有諸煩惱心；無諸煩惱心，如實知無諸煩惱心。彼菩薩不見有垢心為卑、無垢心為勝。所以者何？以菩薩入不二性清淨法門智故，如法性我性亦爾，如我性無我性亦爾，如無我性諸法亦爾，性清淨故。若入一切諸法性清淨者，則不見諸法有垢有淨，亦不見諸法文字相貌，不受不著故，亦不見諸法障礙蓋纏及不障礙蓋纏。菩薩思惟無量境界，離心識二法，名之為智不名為識。喻如虛空無心意識，菩薩亦復如是，離心意識，知諸法性與虛空等，智行無礙過諸礙故。善男子！是為菩薩行智與虛空等。」

※參見《大方等大集經》卷 17 (CBETA, T13, no. 397, p. 115, b6-c2)：

「復次，善男子！菩薩道者，所謂四禪、四無量心、四空定、五神通、三福業、三學、六應敬、六念、四攝法、四念處、四正勤、四神足、五根、五力、七覺分、八聖道分、三解脫門、知陰方便、知界方便、知入方便、知諦方便、知因緣方便，是名為道。菩薩得成就此道方便，皆能隨順入六波羅蜜道。所以然者，以菩薩六波羅蜜道，不與一切聲聞辟支佛共故。此道一切諸佛皆所稱歎，從諸如來口出。成就方便菩薩能知一切法實性者，能住出世間六波羅蜜聖道。」

「云何為住？善男子！若有菩薩成就自然慧方便而求菩提，於此五受陰中為如實覺故求於菩提，是菩薩知色無常而行布施，知色苦、知色無我、知色鈍、知色無智，知色如幻、知色如水中月、知色如夢、知色如影、知色如響、知色如旋火輪，知色無我、知色無眾生、知色無命、知色無人、知色無主、知色無養，知色空、知色無相、知色無願、知色無作，知色無生、知色無起、知色無出、知色無形，知色寂靜、知色離，知色無終、知色無成，知色與虛空等、知色如涅槃性，而行布施。」

「菩薩如是行施時，以施離故知色亦離，以色離故知施亦離；以色、施離故知願亦離，以願離故知色、施亦離；以色、施、願離故知菩提亦離，以菩提離故知色、施、願離，而知一切法同菩提性。」

#### 十地與檀尸有關(一六・112 中)

※參見《大方等大集經》卷 16 (CBETA, T13, no. 397, p. 112, b23-c2)：

「是菩薩住於初地，常勤給侍供養諸佛，勤求方便教化眾生、淨佛國土。住於初地，得入一切地智慧光明而不過初地，然後乃成就無量功德智慧資糧，得如來力持不退神通，已離諸地障礙。而從初地入菩薩第二地，住無量阿僧祇劫淨於二地，修尸羅波羅蜜乃至十地，為一一眾生所經劫數亦復如是。於一一地中過無量阿僧祇劫成就菩薩行，為諸眾生現作佛事，而不捨菩薩所行。」

5、「如百年垢膩，可於一日浣令鮮淨，如是於百千劫中所集諸不善業，以佛法力故，善順思惟，於一日一時盡能消滅。」(一八・123 下)

※參見《大方等大集經》卷 18 (CBETA, T13, no. 397, p. 123, c2-13)：

佛言：「波旬！若有行如是等法者，一切諸魔無如之何？若有諸魔欲於行人起魔事者，終不能辦，而更成就無量罪聚。是故，波旬！汝可發阿耨多羅三藐三菩提心，於如是過魔界法，應堅持奉行。汝若能如是行者，則能過一切諸魔國界。波旬！喻如百千年垢膩可於一日浣令鮮淨，如是於百千劫中所集諸不善業，以佛法力故善順思惟，於一日一時盡能消滅。波旬！如有乾草積大如須彌，以少火投中速能燒盡。如是以少慧力故，能除滅無量諸闇冥聚。何以故？波旬！慧明勇猛故，無明劣弱故。」

6、虛空藏「入我藏中。」(一七・118 下)

※參見《大方等大集經》卷 17 (CBETA, T13, no. 397, p. 118, b25-c1)：

爾時，五百大聲聞各以己身所著憂多羅繒奉上虛空藏，奉上衣已，一時同聲說如是言：「其有眾生深心發阿耨多羅三藐三菩提者，快得善利。於如是大智法藏中不墮其外。」所上之衣即便不現，彼諸聲聞問虛空藏言：「衣何所至也？」

虛空藏答言：「入我藏中。」

「入於我虛空庫藏」唐(六・637 下)

※參見《大集大虛空藏菩薩所問經》卷 6 (CBETA, T13, no. 404, p. 637, c6-13)：

說是法時，會中有五百阿羅漢，各各脫身所著上服，而以供養虛空藏菩薩，作如是言：「願一切有情獲得辯才如虛空藏。」爾時，大虛空藏菩薩以加持力故，令其所奉上妙法衣，盡入虛空隱而不現。

彼等羅漢、苾芻，問虛空藏菩薩言：「大士！如是等衣，為何所在？」

虛空藏言：「並入於我虛空庫藏。」

條目：

集 9〈寶幢分〉

內容：

集 9 寶幢分 (13) (一九——二一) 曇無讖譯

寶星陀羅尼經 十卷 (13) 波羅頗蜜多羅譯

條目：

集 10〈虛空目分〉

内容：

集 10 虚空目分 (二二~二四) (13) 曇無讖譯

條目：

集 11 〈寶髻菩薩品〉

内容：

集 11 寶髻菩薩品 (13) (二五~二六) 曇無讖譯

寶 49 如彼

條目：

集 12 〈無盡意菩薩品〉

内容：

集 12 無盡意菩薩品 (13) (二七~三〇) 智嚴共寶雲譯

阿差末菩薩經 七卷 (13) 竺法護譯